

**INTERNACIONALNI BURČ UNIVERZITET  
INTERNATIONAL BURCH UNIVERSITY**



**PRAVILNIK  
O DEMONSTRATURI I DEMONSTRATORIMA**

**Januar 2020.**

Na osnovu člana 130. stav (2) Zakona o visokom obrazovanju („Službene novine Kantona Sarajevo“ br. 33/17), člana 22. stav (1) i člana 142. Statuta visokoškolske ustanove Internacionalni Burč univerzitet - International Burch University, na prijedlog Studentskog parlamenta, Senat visokoškolske ustanove Internacionalni Burč univerzitet - International Burch University, na svojoj CLXXVI sjednici održanoj 29.01.2020. godine, donio je sljedeći

## **PRAVILNIK O DEMONSTRATURI I DEMONSTRATORIMA**

### **Član 1. (Predmet Pravilnika)**

Pravilnikom o demonstraturi i demonstratorima (u daljnjem tekstu: Pravilnik) se regulišu pitanja u vezi sa izvođenjem demonstrature, a naročito uslovi za izbor i postupak izbora demonstratora, način rada demonstratora te prava i obaveze demonstratora na Univerzitetu.

### **Član 2. (Definicija demonstrature i demonstratora)**

- (1) Demonstratura je oblik nastavnog procesa koji podrazumijeva pružanje stručne pomoći studentima u svrhu boljeg i lakšeg savladavanja gradiva te provjera znanja, odnosno pomaganju predmetnom nastavniku ili predmetnim nastavnicima pri izvođenju nastavnih aktivnosti.
- (2) Na jednom predmetu se može imenovati više demonstratora.
- (3) Demonstrator je student prvog ili drugog ciklusa studija koji je angažovan na određenom Odsjeku u svrhu obavljanja demonstrature, a koji nema radni odnos na Univerzitetu.
- (4) Student trećeg ciklusa može biti angažovan kao demonstrator na izvođenju vježbi na prvom i drugom ciklusu studija u obimu od najviše polovine utvrđenog opterećenja nastavnika.

### **Član 3. (Uslovi za izbor demonstratora)**

Uslovi za izbor demonstratora su:

- a) da je redovni student druge, treće ili završne godine prvog ciklusa studija, odnosno na drugom ciklusu studija;
- b) da u toku svog dosadašnjeg studija nije obnavljao godinu niti više od dva predmeta;
- c) da je iz predmeta na kojem će biti demonstrator ostvario najmanje ocjenu 8,5;
- d) da je dotadašnje visoko obrazovanje stekao na odsjeku na kojem se vode predmet ili na kojem je predmet ponuđen.

**Član 4.**  
**(Postupak izbora demonstratora)**

- (1) Student se imenuje demonstratorom bez konkursa na period od jednog semestra za izvođenje demonstrature na određenim predmetima rješenjem dekana visokoškolske ustanove, a na zahtjev predmetnog nastavnika ili predmetnih nastavnika iz iste oblasti.
- (2) Demonstrator se imenuje za nastupajući semestar neposredno prije početka semestra.
- (3) Demonstratoru se izdaje rješenje o imenovanju, koji nužno sadrži naziv i kod predmeta te ime predmetnog nastavnika ili nazive i kodove predmeta te imena predmetnih nastavnika, a prilaže se opis predviđenih radnih zadataka demonstratora, koje sačinjava predmetni nastavnik.
- (4) Demonstrator se bira na razdoblje od jedne akademske godine odnosno jednog semestra, s mogućnosti reizbora. U slučaju reizbora kandidat za demonstratora mora ispunjavati uvjete utvrđene ovim Pravilnikom.
- (5) Demonstratoru se na kraju demonstrature izdaje potvrda o demonstraturi sa taksativno nabrojanim nazivima i kodovima predmeta, semestrima i godinama kada je predmet izvođen, kratkim opisu poslova koje je demonstrator vršio te eventualno komentarima predmetnih nastavnika.

**Član 5.**  
**(Način rada demonstratora)**

- (1) Demonstrator pomaže predmetnom nastavniku u pripremi svih oblika nastave te u drugim poslovima vezanim za nastavni proces po uputama i pod nadzorom predmetnog nastavnika, ukoliko drugačije nije definisano ovim Pravilnikom.
- (2) Demonstrator može izvoditi dodatnu nastavu, održavati dodatne konsultacije te pomagati studentima pri izvršavanju studentskih obaveza.
- (3) Demonstratoru nije dozvoljeno izvođenje obavezne nastave i ocjenjivanje radova.

**Član 6.**  
**(Prava i obaveze demonstratora)**

- (1) Demonstrator ima pravo na povećanje stipendije u zavisnosti od broja sati opterećenja u nastavi do utvrđenog iznosa predviđenog Pravilnikom o stipendiranju studenata visokoškolske ustanove Internacionalni Burč univerzitet - International Burch University.
- (2) Demonstrator koji je ostvario pravo na stipendiju po osnovu Pravilnika o stipendiranju studenata, obavezan je da u skladu sa članom 5. ovog Pravilnika učestvuje u pripremi svih oblika nastave prema broj sati opterećenja kako slijedi:
  - za stipendiju u visini od 50%, utvrđuje se opterećenje najmanje od 1 do 2 sata,
  - za stipendiju u visini od 60%, utvrđuje se opterećenje najmanje od 3 do 4 sata,
  - za stipendiju u visini od 70%, utvrđuje se opterećenje najmanje od 5 do 6 sati,
  - za stipendiju u visini od 80%, utvrđuje se opterećenje najmanje od 7 do 8 sati.

- (3) Demonstrator također ima pravo na povremeno korištenje prostorije za izvršavanje svojih obaveza, određeni kancelarijski materijal, nastavni materijal jednako kao i predmetni nastavnik te službenu e-mail adresu za komuniciranje sa studentima.
- (4) Demonstrator je dužan savjesno, u određenom roku i u skladu sa uputama predmetnog nastavnika izvršavati svoje obaveze do opterećenja od 8 sati sedmično ukoliko je angažovan na prvom ciklusu studija, odnosno do 10 sati sedmično ukoliko je angažovan na drugom ciklusu studija.
- (5) Ukoliko demonstrator bez obrazloženja ili na duži period nije u stanju izvršavati obaveze demonstrature, odnosno prekrši obaveze, demonstratura će mu biti prekinuta a stipendija umanjena u odgovarajućem iznosu. Drugi demonstrator može biti angažovan na isti način kao i prvobitni.
- (6) Demonstrator na kraju semestra podnosi dekanu organizacione jedinice detaljan izvještaj o izvršenim poslovima, nakon odobrenja predmetnog nastavnika.

**Član 7.**  
**(Završne i prijelazne odredbe)**

- (1) Demonstrator se može voditi na evidenciji nastavnika i saradnika određenog odsjeka sa jasnom naznakom njegovog statusa.
- (2) Informacije o demonstratoru se moraju učiniti dostupnim studentima određenog predmeta, uključujući njegovo ime, kontakt podatke, konsultacijske termine i sl. na početku semestra.
- (3) Ovaj Pravilnik stupa na snagu danom donošenja.

Broj: 01-23-2/20  
Sarajevo, 29.01.2020. godine

**PREDSJEDAVAJUĆI SENATA**  
**Prof. dr. Mersid Poturak**